

ლანჩხუთის მუნიციპალიტეტის საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილის, ლოლიტა ურუშაძის 2025 წლის იანვრიდან დღეის მდგომარეობით გაწეული მუშაობის შესახებ ანგარიში

ქალაქი ლანჩხუთი, კუპრეიშვილისა და წმინდა ნინოს ქუჩები

შეხვედრას ესწრებოდნენ: საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ლოლიტა ურუშაძე, მაჟორიტარი დეპუტატი და საკრებულოს სოციალურ საკითხთა, განათლების, კულტურისა და ახალგაზრდულ საქმეთა თავმჯდომარე კარლო კვიტაიშვილი, საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ნინო მშვიდლობაძე, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბზეკალავა, საკრებულოს აპარატის მესამე რანგის პირველი კატეგორიის უფროსი სპეციალისტი ნუნუ სულაკაძე.

საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე ლოლიტა ურუშაძე შეხვდა ლანჩხუთის, კერძოდ - კუპრეიშვილის და წმ. ნინოს ქუჩების მოსახლეობას. ანგარიშის წარდგენამდე ის მიესალმა დამსწრე საზოგადოებას და მადლობა გადაუხადა ადგილობრივ მოსახლეობას, რომ გამონახეს დრო მასთან შესახვედრად. ამის შემდეგ აღნიშნა, რომ მიმდინარეობს საკრებულოს რეგლამენტით გათვალისწინებული მუშაობის ერთ-ერთი საპასუხისმგებლო ეტაპი - საკრებულოს წევრების მიერ წლის განმავლობაში გაწეული მუშაობის ანგარიშის ჩაბარება.

საქართველოს ორგანული კანონის „ადგილობრივი თვითმმართველობის კოდექსის“ 88-ე მუხლის თანახმად საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილემ ლოლიტა ურუშაძემ წარმოადგინა 2025 წლის იანვრიდან დღემდე მის მიერ გაწეული მუშაობის შესახებ ანგარიში. მან აღნიშნა, რომ არის ფრაქცია

„ქართული ოცნება - დემოკრატიული საქართველოს“ თავმჯდომარის მოადგილე.

ასევე, საკრებულოს სივრცითი-ტერიტორიული დაგეგმარებისა და ინფრასტრუქტურის კომისიის წევრი, სოციალურ საკითხთა, განათლების, კულტურის და ახალგაზრდულ საქმეთა კომისიის წევრი და ლანჩხუთის მუნიციპალიტეტის „ქალისა და მამაკაცის თანასწორობისა და ბავშვთა საკითხებზე მომუშავე მულიციპალური საბჭოს“ წევრი. აგრეთვე, „ქართული ოცნება - დემოკრატიული საქართველოს“ ქალთა ორგანიზაციის ლანჩხუთის საბჭოს წევრი.

ამ დროისთვის ლანჩხუთის მუნიციპალიტეტის საკრებულოში განხილული იქნა როგორც სოციალური, ჯანდაცვის, კულტურული, საგანმანათლებლო, ასევე, ინფრასტრუქტურული და სხვა პროექტი, პროგრამა თუ ინიციატივა.

ლოლიტა ურუშაძემ აღნიშნა, რომ მუნიციპალიტეტის ყველა ადმინისტრაციულ ერთეულში დასრულებულია გაზიფიცირების სამუშაოები.

რეგიონში განსახორციელებელი პროექტების ფონდიდან ქალაქში ნინოშვილის, საფო მგელაძის და თავისუფლების ქუჩებზე მრავალბინიანი სახლების სახურავები შეიცვალა. პროექტის ღირებულებაა 130 000 ლარი. გორგასლის ქუჩაზე გამაგრდა მრავალ ბინიანი სახლის საძირკველი . ქალაქის 19 ქუჩებზე დასრულდა გზის სარეაბილიტაციო სამუშაოები, დაიგო შავი საფარი.

მან ასევე, ყურადღება გაამახვილა იმასთან დაკავშირებით, თუ რა პროექტები განხორციელდა 2025 წელს: შიდა სასოფლო გზების რეაბილიტაცია, ამბულატორიების მშენებლობა და საჭირო ინვენტარით მოწყობა, 15 ადმინისტრაციულ ერთეულში სოფლის პროგრამის ფარგლებში გათვალისწინებული ინფრასტრუქტურული სამუშაოების ჩატარება, განხორციელდა დაზიანებული ხიდების სარეაბილიტაციო სამუშაოები, სტადიონის რეაბილიტაცია, აგრეთვე, საცხოვრებელი ბინების სახურავის შეცვლა, მდინარის კალაპოტის, ნაპირსამაგრის და სანიაღვრე არხების მოწყობა, სტიქიის შედეგად დაზიანებული გზების სარეაბილიტაციო სამუშაოები, ცენტრალური მაგისტრალის გასწვრივ საფეხმავლო ბილიკების მოწყობა, ნამატი წყლის კოლექტორის მოწყობა.

ლოლიტა ურუშაძემ აგრეთვე აღნიშნა, რომ განათლებისა და მეცნიერების სამინისტრო სასკოლო ინფრასტრუქტურის განვითარების პროგრამას ახორციელებს. ლანჩხუთის მუნიციპალიტეტში რეაბილიტაცია ჩაუტარდა პირველ, მესამე გულიანისა და ლესის საჯარო სკოლებს. სკოლები უზრუნველყოფილია გამართული

ინფრასტრუქტურითა და თანამედროვე სტანდარტების შესაბამისი ინვენტარით, აგრეთვე ადაპტირებულია შშმ პირებისთვის, კეთილმოეწყობილია კლას-კაბინეტები, საბუნებისმეტყველო საგნების ლაბორატორიები, ექიმის(ექთანის) კაბინეტები, სპორტული მოედნები და ეზოები.

მუნიციპალიტეტი აგრძელებს ზრუნვას სკოლამდელი აღზრდის დაწესებულებების ინფრასტრუქტურის მოწესრიგებას. კმაყოფილდება თანამედროვე მოთხოვნების სტანდარტი. მუნიციპალური განვითარების ფონდის დაფინანსებით სუფსასა და ხაჯალიაში აშენდა 100-100 ბავშვზე გათვლილი საბავშვო ბაღი. საერთო ჯამში ამ ბაღების მშენებლობაზე დაიხარჯა 8 200 000 ლარი. ასევე, სოფ. ნინოშვილში აშენდა 50 მოსწავლეზე გათვლილი ბაგა-ბაღი.

მუნიციპალიტეტი ზრუნავს ახალგაზრდებში ჯანსაღი ცხოვრების წესის დამკვიდრებაზე, ამ მიზნით ადმინისტრაციულ ერთეულებში აშენდა მინი-სტადიონები, ქალაქის ტერიტორიაზე მიმდინარეობს თანამედროვე სტანდარტების შესაბამისი სპორტული ცენტრის მშენებლობა.

მან ასევე ისაუბრა სოციალური პროგრამის ფარგლებში გაცემულ დახმარებებზეც. კერძოდ: „მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა“; „აუტისტური სპექტრის მქონე ბავშვთა სარეაბილიტაციო კურსის დაფინანსების პროგრამა“; „ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსარგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა“; „მედიკამენტების შეძენაზე დახმარების პროგრამა“ ; სამკურნალო და საოპერაციო ხარჯებით დახმარების პროგრამა და ა.შ.

ამის შემდეგ ლოლიტა ურუშაძემ მოსახლეობას მიმართა თხოვნით, რომ მიეწოდებინათ ინფორმაცია, როგორც ადმინისტრაციულ ერთეულში არსებული, ასევე პირადი პრობლემების შესახებ. კუპრეიშვილის ქუჩაზე კორპუსის მაცხოვრებლების თქმით, სარდაფში დგება წყალი, რომელიც აზიანებს კორპუსის საძირკველს, რაც თავის მხრივ საფრთხეს უქმნის შენობას. აგრეთვე, შესაცვლელია სასმელი წყლის ცენტრალური მილები.

მოქალაქე ნონა ხუხუნიაშვილმა აღნიშნა, რომ კორპუსის ეზო საჭიროებს მოპირკეთება-
მოასფალტებას. ამასთან, მისი თქმით, თუკი საჭიროება მოითხოვს, ზემოთ აღნიშნულ
პრობლემებთან დაკავშირებით კორპუსის მაცხოვრებლები მუნიციპალიტეტის
მერიას მიმართავენ კოლექტიური განცხადებითაც.

წმ. ნინოს ქუჩის მაცხოვრებლების მიერ დაისვა სხვადასხვა სახის პრობლემები.
კერძოდ, მე-2 საჯარო სკოლის შენობა არის კატასტროფულად ავარიულ
მდგომარეობაში და სასწრაფოდ ესაჭიროება რეაბილიტაცია.

მოქალაქე ვიქტორ წილოსანმა აღნიშნა, რომ ბაკურში საყანე ფართობებთან
მისასვლელი გზა ცუდ მდგომარეობაშია და აუცილებლად საჭიროებს
კეთილმოწყობას. ასევე, მოსაწესრიგებელია ლაშისდელის სასაფლაოსთან
მისასვლელი გზა.

მოქალაქე ნინო ჭელიძემ აღნიშნა, რომ უნდა გაკეთდეს საკანალიზაციო სისტემა. ამასთან,
კარგი იქნება, თუ წმ. ნინოს ქუჩაზე მოეწყობა სკვერი. ასევე, შემოსაღობია
სამოვრები.

ადგილობრივმა მოსახლეობამ მადლობა გადაუხადა საკრებულოს ფრაქცია
„ქართული ოცნება - დემოკრატიული საქართველოს“ თავმჯდომარის მოადგილეს
თანადგომისა და ყურადღებისთვის. ლოლიტა ურუშაძის თქმით, როგორც საკრებულოს
წევრი, ძალ-ღონეს არ დაიშურებს, რათა მისი სადეპუტატო უფლებამოსილების
პერიოდში შეძლებისდაგვარად გადაწყდეს ყველა ის ინფრასტრუქტურული და
სოციალური პრობლემა, რომელიც აწუხებს მუნიციპალიტეტის მოსახლეობას.
აქტიურ მუშაობას გააგრძელებს ახალი მოწვევის საკრებულოში, რათა მომდევნო
წლები უფრო წარმატებული და ნაყოფიერი იყოს ადგილობრივი მოსახლეობისთვის.

პატივისცემით,

